



Llywodraeth Cymru
Welsh Government

DATGANIAD YSGRIFENEDIG GAN LYWODRAETH CYMRU

TEITL Rheoliadau Cynlluniau Taliadau Mesurau'r Farchnad (Diwygio etc) (Ymadael â'r UE) 2019

DYDDIAD 15 Chwefror 2019

GAN Rebecca Evans AC, Y Gweinidog Cyllid a'r Trefnydd

Rheoliadau Cynlluniau Taliadau Mesurau'r Farchnad (Diwygio etc) (Ymadael â'r UE) 2019 ("Rheoliadau 2019")

Y gyfraith sy'n cael ei diwygio

Offerynnau Ewropeaidd sy'n Uniongyrchol Gymwys

- Rheoliad Dirprwyedig y Comisiwn (EU) 2016/1238 sy'n ategu Rheoliad (EC) Rhif 1308/2013 Senedd Ewrop a'r Cyngor mewn perthynas ag ymyrraeth gyhoeddus a chymorth ar gyfer storio preifat.
- Rheoliad Gweithredu'r Comisiwn (EU) Rhif 2016/1240 sy'n gosod rheolau ar gyfer cymhwyso Rheoliad (EU) Rhif 1308/2013 Senedd Ewrop a'r Cyngor o ran ymyrraeth gyhoeddus a chymorth ar gyfer storio preifat.
- Rheoliad y Comisiwn (EC) Rhif 1312/2008 sy'n pennu'r cyfraddau trosi, y costau prosesu a gwerth sgil-gynhyrchion yr amryfal gamau o brosesu reis.
- Rheoliad Dirprwyedig y Comisiwn (EU) 2015/1829 dyddiedig 23 Ebrill 2015 sy'n atodi Rheoliad (EU) Rhif 1144/2014 Senedd Ewrop a'r Cyngor ar fesurau darparu a hyrwyddo sy'n ymwneud â chynhyrchion amaethyddol a weithredir yn y farchnad fewnol ac mewn trydydd gwledydd.
- Rheoliad Gweithredu'r Cyngor (EU) 2015/1831 dyddiedig 7 Hydref 2015 sy'n gosod rheolau ar gyfer cymhwyso Rheoliad (EU) Rhif 1144/2014 Senedd Ewrop a'r Cyngor ar fesurau darparu a hyrwyddo sy'n ymwneud â chynhyrchion amaethyddol a weithredir yn y farchnad fewnol ac yn y trydydd gwledydd.

Unrhyw effaith y gall yr OS ei gael ar gymhwysedd deddfwriaethol y Cynulliad a/neu ar gymhwysedd gweithredol Gweinidogion Cymru

Mae Sefydliad y Farchnad Gyffredin (CMO) yn fater datganoledig yn bennaf.

Mae darpariaeth yn yr OS hwn sy'n galluogi Gweinidogion Cymru i arfer swyddogaethau o ran Cymru yn ddilyffethair ac i'r Ysgrifennydd Gwladol arfer swyddogaethau o ran Cymru ar yr amod y ceir cydsyniad gan Weinidogion Cymru.

Byddai swyddogaethau a drosglwyddir i'r Ysgrifennydd Gwladol i'w harfer yn gyfredol â chydsyniad Gweinidogion Cymru yn gyfystyr â swyddogaethau un o Weinidogion y Goron sy'n ymwneud â swyddogaeth ddatganoledig gymwys at ddibenion Atodlen 7B i Ddeddf Llywodraeth Cymru 2006. Mae'n bosibl, felly, fod hynny'n ystyriaeth berthnasol yng nghydestun cymhwysedd y Cynulliad i ddeddfu yn y meysydd hyn yn y dyfodol.

Gallai swyddogaethau a drosglwyddir â chydsyniad i'r Ysgrifennydd Gwladol o ran Cymru ar yr amod y ceir cydsyniad gan Weinidogion Cymru fod yn gyfystyr â swyddogaethau un o Weinidogion y Goron at ddibenion Atodlen 7B i Ddeddf Llywodraeth Cymru 2006. Pe bai'r Cynulliad yn cyflwyno Bil yn y dyfodol i geisio dileu neu addasu'r swyddogaethau hyn, gallai hynny olygu y bydd gofyn ymgynghori â Llywodraeth y DU.

Diben y diwygiadau

Sefydliad y Farchnad Gyffredin ("CMO") yw'r fframwaith ar gyfer mesurau'r farchnad y darperir ar eu cyfer o dan y Polisi Amaethyddol Cyffredin ("PAC"), sy'n darparu'r fframwaith ar gyfer cynlluniau cynnal y farchnad a luniwyd yn yr amryfal sectorau amaethyddol. Sefydlwyd pob CMO er mwyn cyflawni amcanion y PAC ac yn benodol i sefydlogi marchnadoedd, gan sicrhau safon deg o fyw ar gyfer cynhyrchwyr amaethyddol a chynyddu cynhyrchiant amaethyddol. Dros amser, mae wedi ehangu i ddarparu pecyn cymorth sy'n galluogi'r UE i:

- reoli anwadalwch y farchnad;
- cymell cydweithio rhwng cynhyrchwyr amaethyddol a chystadleurwydd rhyngddynt; a
- hwyluso masnach.

Mae Rheoliadau 2019 yn gwneud diwygiadau i ddeddfwriaeth bresennol yr UE sy'n rhan o gyfraith y DU sy'n ymwneud â CMO.

Mae Rheoliadau 2019 yn cywiro meysydd polisi o ran ymyrraeth gyhoeddus, cymorth storio preifat, hyrwyddiadau a chyfraddau trosi ar gyfer reis er mwyn iddynt barhau i weithio ar ôl i'r DU ymadael â'r UE.

Ar ôl ymadael â'r UE a heb ei diwygio, byddai'r ddeddfwriaeth yr UE a ddargedwir sydd wedi'i nodi uchod yn cynnwys darpariaethau na fyddai'n gweithio ac y byddant yn atal cyflenwi cynlluniau cynnal y farchnad i'r sector amaethyddol.

Mae'r Rheoliadau a'r Memorandwm Esboniadol cysylltiedig, sy'n nodi effaith y diwygiadau, i'w gweld yma: <https://beta.parliament.uk/work-packages/FS1sjysb>

Pam y rhoddwyd cydsyniad

Rhoddwyd cydsyniad i Lywodraeth y DU wneud y cywiriadau hyn o ran, ac ar ran, Cymru am resymau'n ymwneud ag effeithlonrwydd, hwylustod ac oherwydd natur dechnegol y diwygiadau. Mae'r diwygiadau wedi cael eu hystyried yn llawn; ac nid oes unrhyw

wahaniaeth o ran polisi. Diben y diwygiadau hyn yw sicrhau bod y llyfr statud yn parhau i weithio ar ôl i'r DU ymadael â'r UE.